

癡

說

此股文章作法以
鄉賢所著故購度之

一
函
冊

癡說卷之七

附遺

河間紀蔭田先生著

長白保慶雲門校對

瀛海戈熾柳堂編鏤

三聖若稽古而臯陶與焉舜以天下遜禹禹推臯
陶孟子曰若禹臯陶則見而知之又曰舜以不得禹
臯陶爲已憂是臯陶德同三聖而不得天下以所司
者刑也

堯舜之道以敬爲本故虞書以欽字始以欽字終

禮經一書冠以毋不敬聖學本于敬千古一也

舜之五臣契爲司徒而反獨無謨蓋水土旣平兵
刑可緩正當布教之時不暇于言故曰古者先行其
言而後從之

呂刑言敬者七言中者十無此二字不可以用刑
舜咨十二牧終于難任王命九官終于皐讒說論
臣隣終于庶頑讒說孔子答爲邦之問終于遠佞人
一也

二典首言天時禹謨先論人事帝王所由分也

唐虞以前先百姓而後君臣故二典皆以民時始以帝位終王事以降重社稷而輕人民故禹謨首以君臣而卒以征伐至商周之書則以征伐始以征伐終可慨也夫

舜之五臣皆有功于天下禹及身而王契十三傳而王棄十五傳而王而皋陶益僅爲通侯雖益至秦終王而旋得旋失

秦姓嬴爲益後呂不韋一說出于怨謫者也蓋凡受天命者溯本窮

源皆非偶然何物呂不韋卽可以苟焉而盜取天命乎至臯陶之後終不得天下者蓋兵不常誠刑則時用故其損德更甚于兵然益爲陶子故列女傳曰臯子五歲而贊禹其說竝見高誘注呂氏春秋及鄭氏詩譜陸德明音義詳尙書古文疏證卷四第五十八條然則臯陶亦終王矣蓋禹治水平成之功最大契作司徒教爲先棄爲后稷養次之益作虞陶作士兵刑至下乎

孔子去兵去食之論蓋有本矣

秦宮之火從來未有其益烈山澤焚殺之故乎

二典君臣相謂其道彰矣而明發其義始于禹謨

后克艱厥后
臣克艱厥臣

父子之道始見于堯典名分俱已顯然克謂以孝

堯之時子道已明而弟道未彰故堯典有父母之

稱而無弟稱言克孝而不言克友象傲克至五子之

歌始有弟稱然亦未言其義明言孝弟之義始于伊

訓立愛惟親立敬惟長

夫婦之道于堯典始畧見其義有鰥在下二至五

子之歌始有夫婦之稱愚夫愚婦亦能勝予然亦非論其道並

唐虞夏商之經書亦終無專言其道而其見于詩與

易與禮者詳且著也

朋字始見于益稷

朋淫于家

而友之稱至盤庚而始見

至于婚友

舜典爲言教之始

敬敷五教

師道昭然而師之稱始見

于陶謨

百僚師師

蓋古者無師君相皆師也

修身之道始于陶謨

慎厥身修

益稷始言止

安汝止

言御始于甘誓

御非其馬之正

舜典始言禮

修五禮

陶謨始

言義

彊而義

而實發義禮之用者始見于仲虺之誥

以義

制事以湯誓始言信爾無不信所謂殷人作誓而民畔言

信而信轉失虺誥爲言勇言智言仁言忠之始天乃錫王

勇智克寬克仁顯忠遂良湯誥始言性恆性始言禍福天道福善禍淫太

甲始言誠亨于克誠洪範始言貧富五福六極禹謨始言利

利用厚生

唐虞以德感人故二典君臣相警無對民之詞化

民以言始于禹謨誓于師曰節其後夏商之書責人詞詳

而責已詞畧至周則將以法制人其經書故多法度

之文。所謂古者感人以德。其次以言。其後以法。是也。

商之經書。不言制作。其以言化民。詳于說理而尊

神。務爲開導人心。

如天人禍福治亂興亡孝弟忠信仁智性命無非勸懲之詞而制度

規模一言未及卽書之制官刑一節亦儆戒之意

周之經書。半陳規度。其以

法制人。道在明制而尙施。最足維持風化。

如周官周禮召誥洛

誥立政呂刑並詩禮各經之散見者皆是

蓋商以教興教貴勸懲非言不

明。周以農王。農詳器用。非法不行。皆其家法。不可改

也。

考課

詢事
考言

刑法

象以典刑
流宥五刑

朝覲

乃覲
四岳

巡狩

二月東
巡狩

皆始于舜典而夏商之詩書均未詳言至周官呂刑

而始備陳其制

封禪之漸

肇十有二州
封十有二山

始于舜典再詳于禹貢而

商之經概無明文

學之始見于說命

台小子舊
學于甘盤

其後亦畧至周而始

大備

以九德之法知人自臯陶發之乃夏王忱恂而後

千餘載來。未經道者。至周公立政一篇。始復發明其義。以教成王。唐虞于斯。爲盛蓋有由矣。有九德告禹之詞。周公立政。夏后迪知忱恂。九德之行。告成王之言。皋陶佐堯舜禹。周公佐文武成。皆三朝元輔。故其任人之法。同也。

征伐始見于禹謨。有苗弗率。至甘誓始言戰。大戰于甘。舜典

五刑卽是征伐之漸

唐虞無失所之民。故典謨不言怨。亦不言仇。至五

子之歌而始並見焉。怨豈在明萬姓仇予。

治亂興亡之理已散見于虞夏之書而總發其理

者始于太甲之篇

德惟治否德亂與治同道罔不興與亂同事罔不亡伊尹之言

人性皆善惡為後起之緣故虞夏之書言善

德為善政

言善而不言惡至商書盤庚而始見焉

乃既先惡于民

古者尚施而不言報故唐虞夏商之書言施

陶謨始言

施受翕受敷施

而皆不及報至周之呂刑而始見焉

報虐以威又報

尤以庶

祭祀之法始于舜典

肆類于上帝

其後見于經書者大

抵日詳一日至周而更大備

黜陟之法始于舜典

黜陟幽明

賞罰之典興于禹謨

弗罰

及嗣賞延于世

而其制度有商以前書冊簡畧成周而後條

目詳明

言恭讓

允恭克讓

言德

克明俊德

言天

欽若昊天

言敬

敬授人時欽亦敬也

言訟

器訟可乎

言功

共工方鳩僝功

言姦

不格姦

皆始于堯典

言五典

慎徽五典

言三年之喪

百姓如喪考妣三年四海遏密八音

言食

食哉惟時

言樂

命汝典樂

言志言詩

詩言志

皆始于舜典

言政

政乃

言道

罔違道以干百姓之譽

言聖

神乃聖

言鬼神

鬼神其依神字已見于舜典編

言天命

皇天眷命

言天道

時乃

言吉凶

惠迪吉

言占卜

枚卜功臣節

皆始于禹謨

商以教興其書勸懲開導詳于說理而尊神最足

感發人心故商滅歷三紀而百姓思商依然不衰周

以農王其書法度規模嚴于明制而尚施善能維持

世道故周衰至五霸而列國奉王無或隕越

敘物以言情爲賦情物盡也索物以託情爲比情

附物也。觸物以起情，為興。物動情也。

然今之俚曲小兒語亦皆有興

並且賦而興興而比比而興莫不兼備如樹芽兒青杜梨樹開白花一朵蓮花花梅花落蓮哩落之類皆是莫期然而然誠天籟也

步戰之法始於晉之魏舒

昭元年晉中行穆子敗無終於太原書崇卒也

然牧誓六步七步之法即已明言步戰矣

孔門聞道惟顏曾子貢而已

公西華亦優於政事

夫子答孟武伯明言矣三子言志又自言之

有若

亦善於言語

宰我子貢有若知足以知聖人孟子曾並稱之皆以有若似聖人又獨見之

子張亦習於文學

子游子夏子張皆有聖人之體孟子嘗與二子並許

曾子

亦長於德行

得傳一貫之道

而四子不列於四德之科者以

其不在難也

聖賢之書皆所以繼二帝三王之統者也故論語

終於堯曰篇孟子終於堯舜禹湯文王孔子荀子終
於堯問其意一也

弱水不浮鴻毛蓋水潤下作鹹鹹則重重乃有力
而弱水西流可知在極高中分之地甫得中天至清

至澹之氣無稍鹹意故輕軟無力也彼鹽滷可浮石蓮而油與火酒不浮煙煤者卽此故乎

五行生尅聞之熟矣而水爲金生水不自報轉瞬卽以所生之木而爲金尅此報恩之道也木爲金尅木不自報轉瞬卽以所生之火而尅金此報仇之道也五行迭爲報復彼此循環無不皆然可知子爲母報德怨不爽本五行自然之道可畏也哉

夏初賢嗣敬承沿爲傳家厥後子承父業難必皆